

何敬公的風範

●張志韓（光復大陸設計委員、台灣大學教授）

前 言

陸軍一級上將何應欽敬公將軍，以九十九歲高齡，不幸於民國七十六年十月二十一日，以心臟衰竭，逝世台灣，全國軍民，莫不傷悼，中外雜誌社負責人以及諸多鄉人，均以余自北伐從軍，即隸將軍戎幕，且曾數度住居其家，與將軍朝夕聚處，追隨最久，知之極深，促余撰記一文，以資紀念，余以久隸研曠，備承愛護，撰文紀念，義不容辭，第念將軍，勳業彪炳，舉世共聞，其豐功偉績，國史自必立傳詳記，毋待余之贅述，謹就將軍一般風範，生活點滴，略予陳述，邦人君子，幸共鑒諸。

秉性澹泊·痛矚時弊

將軍秉性恬淡，榮利不繫其心，以是胸襟開朗，公而忘私，當民國之初，軍人擁兵自雄，造成軍閥之亂，將軍蒿目時艱，痛切弊害，因以身作則，認軍隊乃國家軍隊，非私人所宜擁有，以是每次統兵出征，功成後立即離軍，隻身歸命中央，口不言功，說者謂有明代中山王徐達之風。

寬厚待人·和平處世

將軍性和平，接待部下以禮，余從未見其疾言厲色，惟處事嚴肅，不怒而威，故部下見之，莫不肅然尊敬，不因其謙和而稍泄沓也，對國內戰亂，多主撫綏，非萬不得已，不主用兵，以維國家元氣，譚延闓先生於某次軍事會中，曾聆其和平主張，極為贊譽，特撰聯美之曰：「勳勞至大不矜伐，議論固創歸和平，」蓋實錄也。

依畀深重·拜命受降

將軍對上忠盡，執事敬謹，與先總統蔣公介石自創辦黃埔軍校，主政中樞以來，患難與共者垂五十餘年，知之深而依畀重，當抗戰勝利，日本投降，先總統蔣公以茲事體大，不派他人，獨命將軍主持受降事宜，因屬我國空前盛典，無上光榮，多有主張分區受降，不使榮歸一人，一時議論紛紛。先總統堅主由將軍一人，代表國家，主持總受降，將軍拜命之餘，精心策劃，本先總統以德報怨旨意，受降遺俘，絲絲如扣，日人戴德，感激涕零，至今中日邦交輯睦，將軍其有力焉。

先總統管親書「安危須仗，甘苦共嘗」八字以贈，寄望之切，依畀之重，可以概見。

長勝將軍·婦孺知名

將軍領軍攻戰，從未一次挫敗，一時有長勝將軍之名，此固由於將軍之軍事學識豐富，策劃周密，而用兵之神速，部署之精細，臨陣之果敢與堅韌，亦為其致勝之最大原因，將軍每次宿營，雖極疲困，必立即率隨員親視陣地，實地勘察，稍覺不妥，立即補救，曾有數次戰役，軍隊行軍饑疲之餘，正欲獲一夜安眠，以資休息，將軍熟視地形，細按地圖，認其危險地帶，非立即通過不可，或某高地，非當夜佔領不可，立即下令行軍，限時到達，當時官兵，不免怨對，結果常因我軍先數小時到達有利陣地，部署甫畢，敵軍隨至，以致獲致大勝，若稍遲數小時，則情勢大異矣，長勝之名，婦孺皆知，有由來也。

艱危受命·忠勤黨國

每當國有危難，中央輒命將軍出任艱鉅，奉命即行，從不諉卸，均能克奏膚功，化險為夷，

如此情形，已非一次，尤以抗戰末期，日軍深入貴州獨山，於時陪都（重慶）震恐，乃令將軍急赴貴陽，坐鎮指揮，當時既感形勢不利，復之軍隊增援，軍心士氣，均極不振，兼以天氣嚴寒，難民塞道，補給既難，行軍不易，將軍隻身至筑後，略事部署，軍民趨趨鎮定，日人聞將軍至，亦即退軍，單騎退強敵，雖云國運，微將軍聲威，恐不易收此奇績，將軍七十生辰，先總統蔣公特親題「同舟共濟」四字為壽，張岳軍先生對將軍之每次臨危受命，獨膺艱鉅情形，詩讀之曰：「：每緣雪虐風饑候，益顯松貞竹勁姿：」，此真刻劃出將軍艱危受命，忠勤黨國之情狀。

忍辱負重·昭雪國恥

將軍一生作事，勞怨不辭，有所策劃，上峯採用後，若大洽人心，將軍絕不稍詡出自本人主張，人亦不知出其主張也，若措施稍不洽人意，絕不剖辯，其忠勤黨國任勞任怨有如此者，尤以抗戰期間，以我設備不足之積弱國家，抗拒世界第一等強國之日本，將軍主持軍政，百孔千瘡，艱苦備嘗，人民室家破碎之餘，自不免牢騷怨對，共產黨徒，又從而造謠中傷，淺識之人，不加深考，於有意無意之間，為之推波逐瀾，信口雌黃，將軍此時心情，最為痛苦，然絕不氣餒，反益勵志節，以求最後勝利，旋出任陸軍統帥，與美軍事合作，遠征緬甸，速戰克捷，初復松山，續下桂林，日人不支，無條件請降，我國自甲午中日戰爭以來，備受日人侮辱，百年國恥，一旦昭雪

，勝利凱歌，歡騰遐邇，于右任先生題詞美之曰：「百戰艱難，國民所敬，告廟收京，以成使命」，又詩以贊之曰：「入贊樞機出視師，又當征虜建軍時，十年負重人爭毀，一戰成功世始知，忠黨自能邀眷顧，人材真許仗安危，元戎奉壽羣公祝，我亦持觥忝致詞」，其中「十年負重人爭毀，一戰成功世始知」，確屬當時實情寫照。

儒將風度·平民生活

將軍風度，素極溫文，猶憶龍潭戰後，孫傳芳張宗昌直魯聯軍，猶雄踞江北，威脅首都，將軍奉命渡江攻擊，軍隊沿津浦線前進，部署既定，明晨拂曉攻擊，將軍親赴前線指揮，路出滁州，率余等十數人，策馬往遊瑯琊山，賞紅葉，遊醉翁亭，返指揮部後，值天寒，改衣中國長袍，於燈下讀歐陽修醉翁亭記，態度從容，幾不知大戰即在肩睫者，古之所謂儒將，乃於今見之。

將軍飲食起居，不求豐腴，生活極平民化，因其平易近人，益獲人民敬愛，來台後，暇喜至淡水河畔擊高爾夫球，每一蒞止，下至拾球兒童，除草女工，爭趨前問好，讀史、郭汾陽收復兩京後，功成退休，人民每遇諸途，輒遮道問令公安好，史籍輝映，古今一轍，將軍擊球後，常與擊球人員，共同淋浴一室，主事者建議為將軍另建一洗澡單人間，將軍不之許，常獨行郊野，人有識者，輒竊私語曰：「此持杖獨行者，即功高黨國之何應欽將軍也」，某日，于右任先生乘車下陽明山，見道左一人，徒步獨行，頗似將軍，方疑訝間，車旋逼近，視之，果將軍也，將軍七

十壽辰，于先生贈以詩曰：「浩浩復肫肫，時賢莫比倫，昔經北山下，道左一平民，壽見降人祝，邦因弟子親，中興元老壯，樂道不憂貧」，其中「昔經北山下，道左一平民」，即指其目覩實況，至所云：「邦因弟子親」，則指大韓民國前任駐華大使金弘一先生，將軍任貴州講武堂長時之外籍學生也。

重整道德·助益邦交

近世道德淪喪，邪說橫興，將軍心焉傷之，認為欲息邪說，止暴亂，振衰弊，正人心，非恢復我國有道德不為功，適德人弗蘭克卜克曼博士，組世界道德重整會，揭四大目標為天下倡，即絕對誠實，絕對純潔，絕對仁愛，絕對無私，與我國固有道德，不謀而合，卜博士且謂彼會親謁曲阜孔陵，讀過大學中庸譯本，受孔子思想影響極大，將軍以道德重整，實與我有密切關係，遂於民國卅六年，毅然應邀參加，從此該會在世界各地舉行大會，將軍每會必與，旋即成為該會領導人之一，各國與會人士，對此四星上將，接受日軍投降之英雄，尊崇備至，民國五十年將軍率領代表團及我國青年五十人出席瑞士柯峯會議，各國為重整道德消弭邪說，均有戲劇演出，我國亦組龍劇相應，演出極為成功，大獲各國好感，增進彼此情誼，將軍之重整道德，遍歷各邦，對我國民外交，助益極大，收效至宏。

謀求統一·組大同盟

將軍認我中國必須統一，且必須統一於三民

主義旗幟下，人民始能獲到幸福與自由，觀於台灣海峽兩岸，同胞生活之富庶與窮苦，可資證明，乃與民國七十一年，組織三民主義大同盟，人民踴躍參加，海外僑胞，紛紛響應，將軍被推為主任委員，不數年間，已成立分會八十餘所，將軍雖已耄耋高齡，對此統一運動，辛勤擘畫，孜孜不倦，且自撰「三民主義統一中國大同盟歌」，發為全民族之吼聲，尤其不憚煩勞，每日必親赴會所，主持會務，開會、講演、廣播、論文，不遺餘力，使會務組織，日益強大，某日，余謁將軍於其官邸，值其由同盟會歸，因與談及會務，將軍云：「諸多親友，以余年高，常勸余對一切集會演講等，可以不必參加，以資休息，余不謂然，『天下興亡，匹夫有責』，我何能坐視不問？」將軍之愛國精神，老而彌篤，令人敬仰。

強身有道·美滿家庭

將軍擅騎術，昔年常衣軍衣，披斗篷，馭駿馬，馳騁曠野，雄姿英發，矚者艷羨，喜射獵，每遇週日或假日，天方曙，即荷槍攜犬，行獵郊外，常以獵獲之鹿、兔、野雞等，佐以美酒，烹調燕客，來台灣後，暇時輒去淡水河上打高爾夫球，若非天雨，殊少間斷，將軍性既澹泊，復喜運動，兼之起居有節，黎明即起，晚十時即眠，以是身體健壯，年近期頤，數年前擊球扭傷腰部，彎腰行者數月，後雖治癒，恢復堅直，然體質不免稍衰矣。

將軍夫人王文湘女士，前貴州督軍劉顯世先生之甥女，前交通部長王伯羣先生及前黔軍總司令王文華先生之胞妹也，名門貴胄，華貴雍容，

篤守禮法，事親至孝，性情爽朗，崇善疾惡，治理家政，井井有條，將軍得茲內助，對家庭瑣務，親友周恤，起居飲食……從未絲毫分心，用能集中全力，效命黨國，少將軍八歲，不幸於民國六十七年五月，病逝台灣，結髮夫婦，一朝永訣，將軍彌深傷慟。

膝下一女，名麗珠，極聰慧，性純厚，擅丹青，早年隨父母赴美，就讀美國，中學畢業後，返國考入台灣大學政治系，畢業前茅，承歡色笑，家庭樂融，父母極鍾愛之，適蔣友光氏，現任職外交部，以幹員著稱。

結語

將軍一生事蹟，紙不勝書，僅就其親見親聞，拉雜陳述，雖云簡陋，亦可見將軍生活風範之一斑焉。

中外文庫 海隅叢談 喬家才著 平裝本 定價貳百元 之四六 郵撥〇〇一四〇四四一四號中外雜誌社帳戶

本書為喬家才先生又一精心傑作，要目有：孔祥熙的事功·陸軍官校六期簡史·黃埔當年鐵與血·西子湖邊風波獄·晉籍黃埔四烈士傳·常勝將軍李海涵·馬志超楊虎城門法記·西安事變中的馮欽哉·胡健中談戴笠平反冤獄·天津三寶張王李趙·辛亥山西光復前後·五百完人史詩三篇·龔德柏治黃秘方·胡適會見溥儀「皇上」記·「琵琶恨」讀後·傅山伏闕訟冤記·三十年代當舖滄桑·山西交城石壁寺·軍統局的根——三民主義力行社·楊立奎獨立門學聯·山陝監察史王陸一·懷念壽陽李晉亭師·報壇怪傑龔德柏·共謀與四川欠糧案·黃杰、戴笠、沈鴻烈·中原大戰中的驚險一幕·我的父親等篇四十萬字六百四十頁三十二開本穿線平裝篇篇精彩。

定價新台幣貳百元郵撥〇〇一四〇四四一四號中外雜誌社帳戶立即寄書